



校定
音訓

小學

四
止

成林.25

口 13
2962
4止



小學卷之四

外篇

善行第六

呂榮公名希哲字原明中國正獻公之長子正

獻公居家簡重寡黙不以事物經心而中國大

人性嚴有法雖甚愛公然教公事事循蹈規矩

甫十歲祁寒暑雨侍立終日不命之坐不敢坐

也日必冠帶以見長者平居雖甚熱在父母長

者之側不得去巾襪縛袴衣服唯謹行步

縛而緣反



小學卷之四

外篇

善行第六

呂榮公名希哲字原明申國正獻公之長子正

獻公居家簡重寡默不以事物經心而申國夫

人性嚴有法雖甚愛公然教公事事循蹈規矩

甫十歲祁寒暑雨侍立終日不命之坐不敢坐

也日必冠帶以見長者平居雖甚熱在父母長

者之側不得去巾襪縛袴衣服唯謹行步

緣縛而反



13
2962
4

出入無得入茶肆酒肆市井里巷之語鄭術之音未嘗一經於耳不正之書非禮之色未嘗一接於目正獻公通判潁州歐陽公適知州事焦先生千之伯強客文忠公所嚴毅方正正獻公招延之使教諸子諸生少有過差先生端坐召與相對終日竟夕不與之語諸生恐懼畏伏先生方略降辭色時公方十餘歲內則正獻公與中國夫人教訓如此之嚴外則焦先生化導如此之篤故公德器成就大異眾人公嘗言人生

內無賢父兄外無嚴師友而能有成者少矣○呂榮公張夫人待制諱盥之之幼女也盥音盥最鍾愛然居常至微細事教之必有法度如飲食之類飯羹許更益魚肉不更進也時張公已為待制河北都轉運使矣及夫人嫁呂氏夫人之母申國夫人姊也一日來視女見舍後有鍋釜之類大不樂謂申國夫人曰豈可使小兒輩私作飲食壞家法耶其嚴如此○唐陽城為國子司業引諸生告之曰凡學者所以學為忠與孝

也。諸生有久不省親者乎。明日謁城還養者。二十輩有三年不歸侍者。斥之。○安定先生胡瑗。字翼之。患隋唐以來仕進尚文辭。而遺經業。苟趨祿利。及為蘇湖二州教授。嚴條約。以身先之。雖大暑。必公服終日。以見諸生。嚴師弟子之禮。解經至有要義。嚶嚶為諸生。嚶反言其所以治己而後治于人者。學徒千數。日月刮磨。刮古殺反磨眉。為文章。皆傳經義。必以理勝。信其師說。敦尚行實。後為大學。四方歸之。庠舍不能容。其在湖

學。置經義齋。治事齋。經義齋者。擇疏通有器局者。居之。治事齋者。人各治一事。又兼一事。如治民。治兵。水利。算數之類。其在大學亦然。其弟子散在四方。隨其人。賢愚皆循循雅飾。其言談舉止。遇之不問。可知為先生弟子。其學者相語稱先生。不問可知為胡公也。○明道先生言於朝曰。治天下以正風俗。得賢才為本。宜先禮命。近侍賢儒。及百執事。悉心推訪。有德業充備。足為師表者。其次有篤志好學。材良行脩者。延聘敦

遣萃於京師。

萃秦醉反

俛朝夕相與講明正學其道

必本於人倫明乎物理其教自小學灑掃應對

以往脩其孝悌忠信周旋禮樂其所以誘掖激

勵

誘音有掖音亦激音急

漸磨成就之道

漸音尖

皆有節序

其要在於擇善脩身至於化成天下自鄉人而

可至於聖人之道其學行皆中於是者為成德

取材識明達可進於善者使日受其業擇其學

明德尊者為大學之師次以分教天下之學擇

士入學縣外之州州賓興於大學大學聚而教

之歲論其賢者能者於朝凡選士之法皆以性

行端潔居家孝悌有廉恥禮讓通明學業曉達

治道者○伊川先生看詳學制大概以為學校

禮義相先之地而月使之爭殊非教養之道請

改試為課有所未至則學官召而教之更不考

定高下制尊賢堂以延天下道德之士鐫解額

鐫子泉反

以去利誘省繁文以專委任勵行檢以厚

風教及置待賓吏師齋立觀光法如是者亦數

十條○藍田呂氏鄉約曰凡同約者德業相勸

德謂見善必行。聞過必改。能治其身。能治其家。能事父兄。能教子弟。能御僮僕。能事長上。能睦親故。能擇交遊。能守廉介。能廣施惠。能受寄託。能救患難。能規過失。能為人謀。能為眾集事。能解鬪爭。能決是非。能與利除害。能居官舉職業。謂居家則事父兄。教子弟待妻妾。在外則事長上。接朋友。教後生。御僮僕。至于讀書治田營家。濟物好禮樂射御書數之類。皆可為之。非此之類。皆為過失相規。犯義之過。一日酣博鬪訟。二無益。三日言不忠信。五日造言誣毀。六日營私太甚。四日言不忠信。五日交非其人。二日游戲怠惰。三日動作無儀。四日臨事不恪。五日日用度不節。禮俗相交。謂婚姻喪葬祭問慶弔。患難相卹。賊三日疾病。四日水火。二日盜孤弱。六日貧乏。有善則書于籍。有過若違約者亦枉。七日貧乏。

書之。二犯而行罰。不悛者絕之。悛之緣反。○明道先

生教人。自致知至於知止。誠意至於平天下。洒

掃應對。至於窮理盡性。循循有序。病世之學者。

舍近而趨遠。處下而闕高。闕音窺。所以輕自大而

卒無得也。

右實立教。

江革少失父。獨與母居。遭天下亂。盜賊並起。革

負母逃難。備經險阻。常採拾以為養。數遇賊。數音

或劫欲將去。劫居怯反。革輒涕泣求哀。言有老母。

辭氣愿欵有足感動人者。賊以是不忍犯之。或
 乃指避兵之方。遂得俱全於難。轉客下邳。貧窮
 裸跣行傭以供母。裸魯果反 跣蘇 僂身之物莫
 不畢給。薛包好學篤行。父娶後妻而憎包。分
 出之包。日夜號泣不能去。號音豪 至被毆杖。毆音
 不得已廬于舍外。旦入而灑掃。父怒又逐之。乃
 廬於里門。晨昏不廢。積歲餘。父母慚而還之。後
 服喪過哀。既而弟子求分財異居。包不能止。廼
 中分其財。奴婢引其老者。口與我共事。久若不

能使也。田廬取其荒頓者。曰吾少時所理。意所
 戀也。戀龍春反 器物取其朽敗者。曰我素所服食。身
 口所安也。弟子數破其產。輒復賑給。數所角反 王
 祥性孝。蚤喪親。繼母朱氏不慈。數譖之。譖側山禁反 由
 是失愛於父。每使掃除牛下。祥愈恭謹。父母有
 疾。衣不解帶。湯藥必親嘗。母嘗欲生魚。時天寒
 冰凍。祥解衣將剖冰求之。剖普后反 冰忽自解。雙鯉
 躍出。持之而歸。母又思黃雀炙。復有雀數十飛
 入其幕。復以供母。鄉里驚嘆以爲孝感所致。有

丹柰結實。母命守之。每風雨。祥輒抱樹而泣。其

篤孝純至如此。○王裒蒲侯字偉元偉音父儀

為魏安東將軍司馬昭司馬東關之敗。昭問於

眾曰。近日之事。誰任其咎。儀對曰。責在元帥。所類

反昭怒曰。司馬欲委罪於孤耶。遂引出斬之。裒

痛父非命。於是隱居教授。三徵七辟。皆不就。廬

于墓側。旦夕常至墓所拜跪。渠委反攀柏悲號。涕

淚著樹。樹為之枯。讀詩至哀哀父母。生我劬勞

未嘗不復音復流涕。門人受業者。並廢蓼莪

之篇。蓼音六家貧躬耕。計口而田。度身而蠶。或

有密助之者。裒皆不聽。及司馬氏篡魏。篡初患反裒

終身未嘗西向而坐。以示不臣于晉。○晉西河

人王延事親色養。夏則扇枕席。冬則以身溫被。

隆冬盛寒。體常無全衣。而親極滋味。○柳玘曰。

崔山南昆弟子孫之盛。鄉族罕比。山南曾祖王

母長孫夫人。年高無齒。祖母唐夫人。事姑孝。每

日櫛縫。筭拜於階下。即外堂乳其姑。長孫夫人

不粒食數年而康寧。一日疾病。長幼咸萃。宣言

無以報新婦恩願新婦有子有孫皆得如新婦
孝敬則崔之門安得不昌大乎○南齊庾黔婁

黔其為孱陵令孱山反到縣未旬父易在家遘疾

遘反黔婁忽心驚舉身流汗即日棄官歸家家

人悉驚其忽至時易疾始二日醫云欲知差劇

差楚懈反但嘗糞甜苦甜徒廉反易泄利黔婁輒取

嘗之味轉甜滑心愈憂苦至夕每替頽北辰音替

啓頽蘇求以身代○海虞令何子平母喪去官

哀毀踰禮每哭踊頓絕方蘇屬大明末東土饑

荒繼以師旅八年不得營葬晝夜號哭常如袒

括之日袒音但冬不衣絮夏不就清涼一日以米

數合為粥合音蛤不進鹽菜所居屋敗不蔽風日

兄子伯興欲為葺理葺七入反子平不肯曰我情事

未申天地一罪人耳屋何宜覆夫故反蔡興宗為

會稽太守會音膾甚加矜賞為營塚壙苦晃反○朱

壽昌生七歲父守雍出其母劉氏嫁民間母子

不相知者五十年壽昌行四方求之不已飲食

罕御酒肉與人言輒流涕熙寧初棄官入秦與

皇朝卷之四

家人訣音決誓不見母不復還行次同州得焉劉氏時年七十餘矣雍守錢明逸以事聞詔壽昌還就官音繇繇是天下皆知其孝繇音由壽昌再為郡守至是以母故通判河中府迎其同母弟妹以歸居數歲母卒涕泣幾喪明拊其弟妹益篤拊音府為買田宅居之其於宗族尤盡恩意嫁兄弟之孤女二人葬其不能葬者十餘喪蓋其天性如此○伊川先生家治喪不用浮屠在洛亦有二二人家化之○霍光出入禁闥音闥二十餘年

小心謹慎未嘗有過為人沈靜詳審每出入

殿門下胡進止有常處郎僕射竊識視之識音志

不失尺寸○汲黯汲音古黯乙減反景帝時為太子洗

馬洗私以嚴見憚音但武帝即位召為主爵都尉

以數直諫不得久居位是時太后弟武安侯田

蚡為丞相蚡扶中二千石拜謁蚡弗為禮黯見

蚡未嘗拜揖之上方招文學儒者上曰吾欲云

云黯對曰陛下內多欲而外施仁義奈何欲效

唐虞之治乎上怒變色而罷朝公卿皆為黯懼

上退謂人曰甚矣汲黯之戇也戇陟絳反群臣或數

黯數所具反黯曰天子置公卿輔弼之臣寧令從諛

承意諛音逾陷主於不義乎且已在其位縱愛身

奈辱朝廷何黯多病病且滿三月上常賜告者

數終不瘳愈音最後嚴助為請告上曰汲黯何如

人也曰使黯任職居官以瘳人然至其輔少

主守成雖自謂賁育弗能奪也賁音奔上曰然古

有社稷之臣至如汲黯近之矣大將軍青侍中

上踞廁視之廁初吏反丞相弘宴見上或時不冠至

知見黯不冠不見也上嘗坐武帳黯前奏事上

不冠望見黯避帷中使人可其奏其見敬禮如

此○初魏遼東公翟黑子有寵於太武奉使并

州受布千疋事覺黑子謀於著作郎高允曰主

上問我當以實告為當諱之允曰公帷幄寵臣

幄於角反有罪首實首舒救反庶或見原不可重為欺罔

也中書侍郎崔鑒公孫質曰若首實罪不可測

不如姑諱之黑子怨允曰君柰何誘人就死地

入見帝不以實對帝怒殺之帝使允授太子經

及崔浩以叟事被收。太子謂允曰：「入見至尊，吾自導卿脫至尊有問，但依吾語。」太子見帝，言高允小心慎密，且微賤，制由崔浩，請赦其死。帝召允問曰：「國書皆浩所爲乎？」對曰：「臣與浩共爲之。」然浩所領事多總裁而已。至於著述，臣多於浩。帝怒曰：「允罪甚於浩，何以得生？」太子懼曰：「天威嚴重，允小臣迷亂失次耳。」臣臯問臯音皆云：「浩所爲。」帝問允：「信如東宮所言乎？」對曰：「臣罪當滅，族不敢虛妄。」殿下以臣侍講日久，哀臣欲丐其

生耳。實不問臣，臣亦無此言，不敢迷亂。帝顧謂太子曰：「直哉！此人情所難，而允能爲之。」臨死不易辭，信也。爲臣不欺君，貞也。宐特除其罪，以旌之。遂赦之。他日太子讓允曰：「吾欲爲卿脫死，而卿不從，何邪？」允曰：「臣與崔浩實同叟事，死生榮辱義無獨殊。誠荷殿下再造之慈，違心苟免，非臣所願也。」太子動容稱嘆。允退，謂人曰：「我不奉東宮指導者，恐負翟黑子故也。」○李君行先生名潛，虔州人。虔音入京，至泗州留止，其子弟請

先往君行問其故。曰：科場近，欲先至京師，貫開封戶籍，取應君行，不許。曰：汝虔州人，而貫開封戶籍，欲求事君而先欺君，可乎？寧遲緩數年，不可行也。○崔玄暉母盧氏，暉音嘗誡玄暉曰：吾見姨兄屯田郎中辛玄馭曰：兒子從宦者，有人來云貧乏不能存，此是好消息；若聞貨貨充足，衣馬輕肥，此惡消息。吾嘗以為確論，確苦反比見親表中仕宦者將錢物上其父母，父母但知喜悅，竟不問此物從何而來，必是祿俸餘資，誠亦

善事。如其非理所得，此與盜賊何別？縱無大咎，獨不內愧於心。玄暉遵奉教誡，以清謹見稱。○劉器之待制初登科，與二同年謁張觀參政，三人同起身請教。張曰：某自守官以來，常持四字，勤謹和緩。中開一後生應聲曰：勤謹和。既聞命矣，緩之一字，某所未聞。張正色作氣曰：何嘗教賢，緩不及事。且道世間甚事，不因忙後錯了。○伊川先生曰：安定之門人，往往知稽古愛民矣，則於為政也何有。○呂榮公自少官守處，未嘗

于人舉薦其子舜從守官會稽人或譏其不求
 知者舜從對曰勤於職事其他不敢不慎乃所
 以求知也○漢陳孝婦年十六而嫁未有子其
 夫當行戍春遇反且行時屬孝婦曰屬朱欲反我生死
 未可知幸有老母無他兄弟備養吾不還汝肯
 養吾母乎婦應曰諾夫果死不還婦養姑不衰
 慈愛愈固紡績織紝以為家業終無嫁意居喪
 三年其父母哀其少無子而早寡也將取嫁之
 孝婦曰夫去時屬妾以供養老母妾既許諾之

夫養人老母而不能卒許人以諾而不能信將
 何以立於世欲自殺其父母懼而不敢嫁也遂
 使養其姑二十八年姑八十餘以天年終盡賣
 其田宅財物以葬之終奉祭祀淮陽太守以聞
 使使者賜黃金四十斤復之終身無所與預音號
 曰孝婦○漢鮑宣妻桓氏字少君宣嘗就少君
 父學父奇其清苦故以女妻之裝送資賄甚盛
 宣不悅謂妻曰少君生富驕習美飾而吾實貧
 賤不敢當禮妻曰大人以先生脩德守約故使

賤妾侍執巾櫛音仄既奉承君子惟命是從宣笑

曰能如是是吾志也妻乃悉歸侍御服飾更著

短布裳與宣共挽鹿車歸鄉里拜姑禮畢提甕

出汲甕音鳥脩行婦道鄉邦稱之○曹爽從弟文

叔妻譙郡夏侯文寧之女名令女文叔蚤死服

闕音缺自以年少無子恐家必嫁已乃斷髮為信

耳居止常依爽及爽被誅曹氏盡死令女叔父

上書與曹氏絕婚彊迎令女歸時文寧為梁相

憐其少執義又曹氏無遺類冀其意阻慈音乃

微使人風之風音方令女嘆且泣曰吾亦惟之許

之是也家以為信防之少懈令女於是竊入寢

室以刀斷鼻蒙被而卧其母呼與語不應發被

視之血流滿床席舉家驚惶往視之莫不酸鼻

或謂之曰人生世間如輕塵棲弱草耳何辛苦

乃爾且夫家夷滅已盡守此欲誰為哉令女曰

聞仁者不以盛衰改節義者不以存亡易心曹

氏全盛之時尚欲保終况今衰亡何忍棄之禽

禽

獸之行。吾豈為乎。○唐鄭義宗妻盧氏略涉書
 史事舅姑甚得婦道嘗夜有強盜數十持仗鼓
 譟先到踰垣而入垣于家人悉奔竄取亂唯有
 姑獨在室盧冒白刃往至姑側為賊捶擊幾死
推主賊去後家人問何獨不懼盧氏曰人所以
 異於禽獸者以其有仁義也鄰里有急尚相赴
 救況在於姑而可委棄乎若萬一危禍豈宜獨
 生○唐奉天竇氏二女生長草野幼有志操永
 泰中群盜數千人剽掠其村落二女皆有容色

長者年十九幼者年十六匿巖穴間匿呢曳出
 之曳以驅迫以前臨壑谷深數百尺其姊先曰
 吾寧就死義不受辱即投崖下而死盜方驚駭
 其妹繼之自投折足破面流血群盜乃捨之而
 去京兆尹第五琦嘉其貞烈奏之詔旌表其門
 閭永調其家丁役調圭○繆彤少孤繆音木兄
 弟四人皆同財業及各取妻諸婦遂求分異又
 數有鬪爭之言彤深懷忿嘆乃掩戶自搥曰搥
瓜繆彤汝脩身謹行學聖人之法將以齊整風

俗奈何不能正其家乎。弟及諸婦聞之，悉叩頭謝罪。叩音口遂更為敦睦之行。○蘇瓊除南清河太守，有百姓乙普明兄弟爭田積年不斷，各相援據。援音院乃至百人，瓊召普明兄弟諭之曰：天下難得者兄弟，易求者田地。假令得田地，失兄弟，心如何？因而下淚，諸證人莫不灑泣。普明兄弟叩頭乞外更思，分異十年，遂還同住。○王祥弟覽母朱氏遇祥無道，覽年數歲見祥被楚撻，輒涕泣抱持，至于成童，每諫其母，其母少止，凶

虐朱屢以非理使祥，覽與祥俱。又虐使祥妻覽妻亦趨而共之，朱患之乃止。○晉右僕射鄧攸永嘉末沒于石勒，過泗水，攸以牛馬負妻子而逃，又遇賊掠其牛馬，步走擔其兒及其弟子綏。擔都反度不能兩全，乃謂其妻曰：吾弟蚤亾，唯有息，理不可絕，止應自棄我兒耳。幸而得存，我後當有子，妻泣而從之，乃棄其子而去。卒以無嗣，時人義而哀之，為之語曰：天道無知，使鄧伯道無兒，弟子綏服攸喪三年。○晉咸寧中大

疫。庾袞二兒俱亾。次兄毗復危殆。藹氣方熾。父
 母諸弟皆出次于外。袞獨留不去。諸父兄強之。
 乃曰。袞性不畏病。遂親自扶持。晝夜不眠。其間
 復撫柩哀臨不輟。柩音舊如此十有餘旬。疫勢既
 歇。許揭反家人乃反。毗病得差。楚解反袞亦無恙。于亮
 父老咸曰。異哉此子。守人所不能守。行人所
 不能行。歲寒然後知松柏之後凋。始知疫癘之
 不能相染也。楊播家世純厚。並敦義讓。昆季
 相事有如父子。椿津恭謙。兄弟日則聚於廳堂。

終日相對。未嘗入內。有一美味。不集不食。廳堂
 閒。往往幃幔隔障。為寢息之所。時就休偃。還共
 談笑。椿年老。曾他處醉歸。津扶持還室。假寢閣
 前。承候安否。椿津年過六十。並登台鼎。而津常
 旦莫參問。子姪羅列階下。椿不命坐。津不敢坐。
 椿每近出。或日斜。不至津。不先飯。椿還然後共
 食。食則津親授匙箸。匙市夫反。箸直慮反。味皆先嘗。椿命
 食。然後食。津為肆州。肆音四椿在京宅。每有四時
 嘉味。輒因使次附之。若或未寄。不先入口。一家

之內男女百口。總服同爨。七亂反庭無閒言。○隋

吏部尚書牛弘弟弼。好酒而酗。香句反嘗醉射殺

弘。駕車牛。弘還宅。其妻迎謂弘曰。叔射殺牛。弘

聞無所怪。問直答曰。作脯坐定。其妻又曰。叔射

殺牛。大是異事。弘曰。已知。顏色自若。讀書不輟。

朱劣反○唐英公李勣。音績貴為僕射。其姊病。必親

為然火煮粥。火焚其鬚。姊曰。僕妾多矣。何為自

苦如此。勣曰。豈為無人耶。顧今姊年老。勣亦老。

雖欲數為姊煮粥。復可得乎。○司馬溫公與其

兄伯康。友愛尤篤。伯康年將八十。公奉禮記

父保之如嬰兒。每食少頃。則問曰。得無饑乎。天

少冷。則拊其背曰。衣得無薄乎。○近世故家惟

晁氏。晁音潮因以道申戒子弟。皆有法度。羣居相

呼。外姓尊長。必曰某姓第幾叔。若兄諸姑尊姑

之夫。必曰某姓姑夫。某姓尊姑夫。未嘗敢呼字

也。其言父黨交游。必曰某姓幾丈。亦未嘗敢呼

字也。當時故家舊族。皆不能若是。○包孝肅公

尹京時。民有自言以白金百兩寄我者。死矣。予

其子不肯受願召其子予之尹召其子辭曰亾
 父未嘗以白金委人也兩人相讓久之呂榮公
 聞之曰世人喜言無好人三字者可謂自賊者
 矣古人言人皆可以為堯舜蓋觀於此而知之
 ○萬石君石奮歸老于家過宮門闕必下車趨
 見路馬必軾馬子孫為小吏來歸謁萬石君必
 朝服見之不名子孫有過失不諂讓諂才為僂
 坐對案不食然後諸子相責因長老肉袒固謝
 罪改之乃許子孫勝冠者在側雖燕必冠申申

如也僮僕訢訢如也訢音欣唯謹上時賜食於家
 必稽首俯伏而食如在上前其執喪哀戚甚子
 孫遵教亦如之萬石君家以孝謹聞乎郡國雖
 齊魯諸儒質行皆自以為不及也長子建為郎
 中令少子慶為內史建老白首萬石君尚無恙
 每五日洗沐歸謁親入子舍竊問侍者取親中
 君廁踰音投身自浣滌浣音緩滌復與侍者不敢
 令萬石君知之以為常內史慶醉歸入外門不
 下車萬石君聞之不食慶恐肉袒謝罪不許舉

宗及兄建肉袒萬石君讓曰內史貴人入閭里里中長老皆走匿而內史坐車中自如固當乃謝罷慶慶及諸子入里門趨至家○疏廣爲太子太傅上疏乞骸骨加賜黃金二十斤太子贈五十斤歸鄉里日令家供具設酒食請族人故舊賓客相與娛樂數問其家金餘尙有幾斤趣賣以共具趣音促共音供居歲餘廣子孫竊謂其昆弟老人廣所信愛者曰子孫莫及君時頗立產業基址今日飲食費且盡宜從丈人所勸說君置

田宅

說音蛻

老人卽以閒暇時爲廣言此計廣曰

吾豈老悖不念子孫哉顧自有舊田廬令子孫勤力其中足以共衣食與凡人齊今復增益之以爲贏餘贏音盈但教子孫怠惰耳賢而多財則損其志愚而多財則益其過且夫富者衆之怨也吾旣無以教化子孫不欲益其過而生怨又此金者聖主所以惠養老臣也故樂與鄉黨宗族共享其賜以盡吾餘日不亦可乎○龐公未嘗入城府龐皮江反夫妻相敬如賓劉表候之龐公

釋耕於壟上而妻子耘於前表指而問曰先生
 苦居畎畝畎畝莫後反而不肯官祿後世何以遺
 子孫乎龐公曰世人皆遺之以危今獨遺之以
 安雖所遺不同未為無所遺也表嘆息而去○
 陶淵明為彭澤令不以家累自隨送一力給其
 子書曰汝旦夕之費自給為難今遣此力助汝
 薪水之勞此亦人子也可善遇之○崔孝芬兄
 弟孝義慈厚弟孝暉等奉孝芬盡恭順之禮坐
 食進退孝芬不命則不敢也鷄鳴而起且溫顏

色一錢尺帛不入私房吉凶有須聚對分給諸
 婦亦相親愛有無共之孝芬叔振既亾後孝芬
 等承奉叔母李氏若事所生日夕溫清出入啓
 覲家事巨細一以咨決每兄弟出行有獲則尺
 寸以上皆入李之庫四時分賚李氏自裁之如
 此二十餘歲○王凝常居慄如也子弟非公服
 不見閨門之內若朝廷焉御家以四教勤儉恭
 恕正家以四禮冠昏喪祭聖人之書及公服禮
 器不假垣屋什物必堅朴曰無苟費也門巷果

木必方列。曰無苟亂也。○張公藝九世同居。北齊隋唐皆旌表其門。麟德中。高宗封泰山。幸其宅。召見公藝。問其所以能睦族之道。公藝請紙筆以對。乃書忍字百餘。以進其意。以為宗族所以不協。由尊長衣食或有不均。卑幼禮節或有不備。更相責望。遂為乖爭。苟能相與忍之。則家道雍睦矣。○韓文公作董生行。曰淮水出桐栢山東。馳遙遙千里。不能休。淝水出其側。淝音肥不能千里百里。入淮流。壽州屬縣有安豐。唐貞元

年時。縣人董生召南。召音邵隱居行義於其中。刺叟不能薦。天子不聞。名聲爵祿不及門。門外惟有吏。日來徵租。更索錢。嗟哉董生。朝出耕。夜歸讀古人書。盡日不得息。或山而樵。或水而漁。入厨具甘旨。土堂問起居。父母不感。感妻子不咨。咨嗟哉董生。孝且慈。人不識。唯有天翁知。生祥下瑞無休期。家有狗乳出求食。鷄來哺其兒。啄啄庭中拾蟲蟻。啄竹角反哺之不食。鳴聲悲。彷徨躑躅久不去。躑直炙反以翼來覆待狗歸。覆芳反嗟

小學卷之四 小篇 註

哉董生誰將與儔除留時之人夫妻相虐兄弟

為讎食君之祿而令父母愁亦獨何心嗟哉董

生無與儔○唐河東節度使柳公綽在公卿間

最名有家法中門東有小齋自非朝謁之日每

平日輒出至小齋諸子仲郢音穎皆束帶晨省於

中門之北公綽決私事接賓客與弟公權及群

從弟再會食自旦至莫不離小齋燭至則命一

人子弟執經史躬讀一過訖乃講議居官治家

之法或論文或聽琴至人定鐘然後歸寢諸子

復昏定於中門之北凡二十餘年未嘗一日變

易其遇饑歲則諸子皆蔬食曰昔吾兄弟侍先

君為丹州刺史以學業未成不聽食肉吾不敢

忘也姑姊妹姪有孤嫠者嫠音離雖疎遠必為擇

壻嫁之皆用刻木粧奩音廉纈文絹為資裝纈音奚

常言必待資裝豐備何如嫁不失時及公綽卒

仲郢一遵其法事公權如事公綽非甚病見公

權未嘗不束帶為京兆尹鹽鐵使出遇公權於

通衢必下馬端笏立候公權過乃上馬公權莫

歸必束帶迎候於馬首。公權屢以為言。仲郢終不以官達有小改。公綽妻韓氏相國休之曾孫。家法嚴肅儉約。為措紳家楷範。歸柳氏二年。無少長未嘗見其啓齒。常衣絹素不用絞羅錦繡。每歸觀不乘金碧輿。祇乘竹兜子。〔祇音止〕〔兜二當候反〕青衣步履以隨。常命粉苦參黃連熊膽。〔都敢反〕和為丸賜諸子。每永夜習學。含之以資勤苦。○江州陳氏宗族七百口。每食設廣席。長幼以次坐。而共食之。有畜犬百餘。共一牢食。一犬不至。諸

犬為之不食。○溫公曰。國朝公卿能守先法。久而不衰者。唯故李相家。子孫數世。至二百餘口。猶同居共爨。田園邸舍所收。及有官者俸祿。皆聚之一庫。計口日給餉。婚姻喪葬所費。皆有常數。分命子弟掌其事。其規模大抵出於翰林學士宗諤所制也。〔諤五各反〕

右實明倫

或問第五倫曰。公有私乎。對曰。昔人有與吾千里馬者。吾雖不受。每三公有所選舉。心不能忘。

而亦終不用也。吾兄子嘗病，一夜十往，退而安寢。吾子有疾，雖不省視，而竟夕不眠。若是者，豈可謂無私乎？○劉寬雖居倉卒，倉沒反未嘗疾言遽色。夫人欲試寬，令_於憲於譬，伺當朝會，裝嚴已訖，使侍婢奉肉羹，翻污朝服，婢遽收之，寬神色不異。乃徐言曰：「羹爛汝手乎？」其性度如此。○張湛矜嚴好禮，動止有則，居處幽室，必自修整。雖遇妻子，若嚴君焉。及在鄉黨，詳言正色。三輔以爲儀表。建武初，爲左馮翊，音亦告歸平陵，望寺門

而步主簿進曰：「明府位尊德重，不宜自輕。」湛曰：「禮下公門，軾路馬。孔子於鄉黨，恂恂如也。父母之國，所宜盡禮，何謂輕哉？」○楊震所舉荊州茂才王密，爲昌邑令，謁見，懷金十斤以遺震。震曰：「故人知君，君不知故人，何也？」密曰：「莫夜無知者。」震曰：「天知，神知，我知，子知，何謂無知？」密愧而去。○茅容與等輩避雨樹下，衆皆夷踞相對，容獨危坐，愈恭。郭林宗行見之，而奇其異，遂與共言。因請寓宿，旦日容殺鷄爲饌，林宗謂爲已設，旣

而供其母。自以草蔬與客同飯。林宗起拜之曰。卿賢乎哉。因勸令學。卒以成德。○陶侃為廣州刺史。在州無事。輒朝運百甓於齋外。甓並的反莫運於齋內。人問其故。答曰。吾方致力中原。過爾優逸。恐不堪事。其勵志勤力。皆此類也。後為荊州刺史。侃性聰敏。勤於吏職。恭而近禮。愛好人倫。終日斂膝危坐。閫外多事。闕苦本反千緒萬端。罔有遺漏。遠近書疏。莫不手答。筆翰如流。未嘗壅滯。引接疏遠。門無停客。常語人曰。大禹聖人。乃惜

寸陰。至於眾人。當惜分陰。豈可逸遊荒醉。生無益於時。死無聞於後。是白棄也。諸參佐或以談戲廢事者。乃命取其酒器蒲博之具。悉投之于江。吏將則加鞭扑。曰。樛蒺者。牧猪奴戲耳。老莊浮華。非先王之法言。不可行也。君子當正其衣冠。攝其威儀。何有亂頭養望。自謂弘達耶。○王勃。楊炯。戶頃反盧照鄰。駱賓王。皆有文名。謂之四傑。裴行儉曰。士之致遠。先器識而後文藝。勃等雖有文才。而浮躁淺露。豈享爵祿之器耶。楊子

沈靜應得令長餘得令終為幸其後勃溺南海
照鄰投穎水賓王被誅爛終盈川令皆如行儉
之言○孔戡音堪於為義若嗜慾不顧前後於利
與祿則畏避退怯如懦夫然○柳公綽居外藩
其子每入境郡邑未嘗知既至每出入常於戟
門外下馬呼幕賓為丈皆許納拜未嘗笑語欸
洽○柳仲郢以禮律身居家無事亦端坐拱手
出內齋未嘗不束帶二為大鎮廐無良馬廐居又反
衣不熏香公退必讀書手不釋卷家法在官不

奏祥瑞不度僧道不貸賊吏法貸他代反凡理藩府

急於濟貧邨孤有水旱必先期假貸廩軍食必

精豐通租必貫免貫音世館傳必增飾宴賓犒軍

必華盛而交代之際食儲帑藏帑他黨反必盈溢於

始至境內有孤貧衣纓家女及笄者皆為選婚

出俸金為資裝嫁之○柳玘曰王相國涯方居

相位掌利權竇氏女歸請曰玉工貨一釵奇巧

須七十萬錢王曰七十萬錢我一月俸金耳豈

於女惜但一釵七十萬此妖物也必與禍相隨

女子不復敢言數月。女自婚姻會歸，告王曰：前時釵爲馮外郎妻首飾矣。乃馮球也。王嘆曰：馮爲郎吏，妻之首飾有七十萬錢，其可久乎？馮爲賈相，餽門人餽音速最密，賈有蒼頭，頗張威福。馮召而勸之，未浹旬，馮晨謁賈，有二青衣捧地黃酒出飲之，食頃而終，賈爲出涕，竟不知其由。又明年，王賈皆遭禍。遭古疾反噫！王以珍玩奇貨爲物之妖，信知言矣。徒知物之妖而不知恩權隆赫之妖，甚於物耶？馮以卑位貪寶貨，已不能正其

家，盡忠所事而不能保其身，斯亦不足言矣。賈之臧獲，害門客于牆廡之間而不知。廡音武欲終始富貴，其可得乎？此雖一事，作戒數端。○王文正公發解南省，廷試皆爲首冠，或戲之曰：狀元試三場，一生喫著不盡，公正色曰：曾平生之志不在溫飽。○范文正公少有大節，其於富貴貧賤毀譽歡戚不一，動其心而慨然有志於天下。嘗自誦曰：士當先天下之憂而憂，後天下之樂而樂也。其事上遇人一以自信，不擇利害爲趨。

捨其有所爲必盡其方。曰爲之自我者當如是。其成與否有不在我者。雖聖賢不能必。吾豈苟哉。○司馬溫公嘗言吾無過人者。但平生所爲未嘗有不可對人言者耳。○管寧嘗坐一木榻。託盃積五十餘年。未嘗箕股。古音其榻上當膝處皆穿。○呂正獻公自少講學。卽以治心養性爲本。寡嗜慾。薄滋味。無疾言遽色。無窘步。窘渠殞反無惰容。凡嬉笑俚近之語。未嘗出諸口。於世利紛華。聲伎游宴。以至於博奕奇玩。淡然無所好。○

明道先生終日端坐如泥塑人。素音及至接人則渾是一團和氣。○明道先生作字時甚敬。嘗謂人曰。非欲字好。卽此是學。○劉忠定公見溫公問盡心行己之要。可以終身行之者。公曰。其誠乎。劉公問行之何先。公曰。自不妄語始。劉公初甚易之。及退而自隳枯。隳音隱枯古活反日之所行。與凡所言。自相掣肘。矛盾者多矣。掣尺列反。肘陟柳反。盾食反。力行七年而後成。自此言行一致。表裏相應。遇事坦然。常有餘裕。○劉公見賓客談論踰時。

體無欹側。寄反肩背竦直。竦息身不少動。至手

足亦不移。○徐積仲車初從安定胡先生學。潛

心力行。不復仕進。其學以至誠為本。事母至孝。

自言初見安定先生。退頭容少偏。安定忽厲聲

云。頭容直。某因自思。不獨頭容直。心亦要直也。

自此不敢有邪心。卒謚節孝先生。謚音○文中

子之服。儉以潔。無長物焉。綺羅錦繡。不入于室。

曰。君子非黃白不御。婦人則有青碧。○柳玘曰。

高侍郎兄弟三人。俱居清列。非速客。不一羹。蔽

側吏 反 夕食齟。藟匏而已。齟下沒反 藟蒲藟音匏 ○李文

靖公治居第於封丘門外。廳事前僅容旋馬。或

言其太隘。公笑曰。居第當傳子孫。此為宰輔廳

事。誠隘。為太祝奉禮廳事。則已寬矣。○張文節

公為相。自奉如河陽掌書記時。所親或規之曰。

今公受俸不少。而自奉若此。雖自信清約。外人

頗有公孫布被之譏。公宜少從眾。公嘆曰。吾今

日之俸。雖舉家錦衣玉食。何患不能顧人之常

情。由儉入奢。易由奢入儉。難。吾今日之俸。豈能

常有身豈能常存。一旦異於今日。家人習奢已久。不能頓儉。必至失所。豈若吾居位去位。身存身亾。如一日乎。○溫公曰。先公為郡牧判官。客至未嘗不置酒。或三行。或五行。不過七行。酒沾於市。果止梨栗棗柿。肴止於脯醢菜羹。器用瓷漆。茲 音當時士大夫皆然。人不相非也。會數而禮勤。物薄而情厚。近日士大夫家。酒非內法。果非遠方。珍異食非多品。器皿非滿案。皿 武 不敢會賓友。常數日營聚。然後敢發書。苟或不然。人爭非之。以為鄙吝。故不隨俗奢靡者。鮮矣。嗟乎。風俗頹弊如是。頹 徒 居位者雖不能禁。忍助之乎。○溫公曰。吾家本寒族。世以清白相承。吾性不喜華靡。自為乳兒時。長者加以金銀華美之服。輒羞赧棄去之。年二十。忝科名。聞喜宴。獨不戴花。同年曰。君賜不可違也。乃簪一花。平生衣取蔽寒。食取充腹。亦不敢服垢弊。以矯俗干名。但順吾性而已。○汪信民嘗言。人常咬得菜根。則百事可做。胡康侯聞之。擊節嘆賞。

會賓友。常數日營聚。然後敢發書。苟或不然。人爭非之。以為鄙吝。故不隨俗奢靡者。鮮矣。嗟乎。風俗頹弊如是。頹 徒 居位者雖不能禁。忍助之乎。○溫公曰。吾家本寒族。世以清白相承。吾性不喜華靡。自為乳兒時。長者加以金銀華美之服。輒羞赧棄去之。年二十。忝科名。聞喜宴。獨不戴花。同年曰。君賜不可違也。乃簪一花。平生衣取蔽寒。食取充腹。亦不敢服垢弊。以矯俗干名。但順吾性而已。○汪信民嘗言。人常咬得菜根。則百事可做。胡康侯聞之。擊節嘆賞。

小學
亦有此科。然後人皆知敬此書。始所謂循
環之運。無不復之往者歟。第坊間諸本。概
多紕繆。讀者苦焉。一齋先生嘗有其讀本。
為取正。曩者書肆芳潤堂請槧板。公諸世。
先生許之。因屬^レ以再校之役。校既完。乃
題^ス引言於卷端云。

天保庚子四月甲戌

澱藩教授

本多

林識



發行

書房

江戸日本橋通二百	須原屋茂兵衛
同二丁目	山城屋佐兵衛
同芝神明前	岡田屋嘉七
京御幸町御池南	菱屋孫兵衛
大阪心齋橋南丁目	敦賀屋九兵衛
同北久宝寺町	敦賀屋彦七
同堺筋金田町	象牙屋治郎兵衛

